

Inatsisartut aalajangiiffigisassaattut siunnersuut, Naalakkersuisut peqquneqassasut meeqqat atuarfiannut tulluussakkamik inuit pisinnaatitaaffii pillugit atuartitsissutissanik kalaallisut ataqatigiissumik sananissamik aammalu taassuma saniatigut suliniutigineqassasoq, meeqqat atuarfianni atuartitsisut inuit pisinnaatitaaffii pillugit ilinniartitsinissamut pikkorissarneqassasut.

(Inatsisartunut ilaasortaq Nivi Olsen, Demokraatit)

Akissuteqaat

(Ilinniartitaanermut, Kultureqarnermut, Timersornermut Ilageeqarnermullu Naalakkersuisoq)

Aappassaaneerinnineq

Naalakkersuisut sinnerlugit Kultureqarnermut, Ilinniartitaanermut, Ilisimatusarnermut Ilageeqarnermullu ataatsimiitsitaliap sukumiisumik isumaliutissiisummik aalajangiiffissatullu siunnersuummik peqqissaartumik suliaqarsimaneranut qutsavigaara.

Naalakkersuisut naammagisimaarinnillutik paasivaat, ataatsimiititaliap innersuussutigigaa Naalakkersuisut allannguutissatut siunnersuutaat akuersissutigineqassasoq.

Naalakkersuisut ataatsimiititaliap inuit pisinnaatitaaffiinik meeqqallu pisinnaatitaaffiinik ilanngusseqqunerat malinnaaffigissavaat, atuartitsissutit siunertaannik aammalu ilikkagassatut anguniagassanik nutarsaanermi.

Naalakkersuisut inassutigaa allannguutissatut siunnersuut akuersissutigineqassasoq.